



URED PREDSJEDNIKA I POTPREDSJEDNIKA

Broj: 01-4-03-3-744-3/20

Dana: 09.06.2020.godine

BOSNA I HERCEGOVINA
MINISTARSTVO KOMUNIKACIJA I PROMETA BiH
N/r g. Vojin Mitrović, ministar

PREDMET: Mišljenje na Nacrt zakona o izmjenama i dopunama Zakona o radnom vremenu, obaveznim odmorima mobilnih radnika i uređajima za evidentiranje u drumskom prijevozu, - *dostavlja se*

Poštovani,

Na osnovu akta Ministarstva komunikacija i transporta Bosne i Hercegovine, broj: 01-05-02-2-1194/20, od 20.05.2020. godine, kojim se u skladu sa članom 7. Zakona o Vanjskotrgovinskoj komori Bosne i Hercegovine ("Službeni glasnik BiH" br: 30/01 i 72/13), traži mišljenje na priloženi tekst Nacrta zakona o izmjenama i dopunama Zakona o radnom vremenu, obaveznim odmorima mobilnih radnika i uređajima za evidentiranje u drumskom prijevozu, informiramo Vas, da smo proveli proceduru traženja mišljenja od članova Udruženja međunarodnih cestovnih prijevoznika tereta Vanjskotrgovinske komore Bosne i Hercegovine.

Mišljenja smo da su u dostavljenom Nacrtu zakona o izmjenama i dopunama Zakona o radnom vremenu, obaveznim odmorima mobilnih radnika i uređajima za evidentiranje u drumskom prijevozu, potrebno izvršiti i dopunu na način: da se u predloženom članu 1. izmjena i dopuna, doda i novi stav, kojim se definiše odredba iz člana 2. stav (6).

Član 1.

U članu 2. u stavu (6) iza riječi „Odredbe ovog zakona ne primjenjuju se na“ dodaju se riječi „sljedeća vozila i njihove vozače“.

Obrazloženje:

Zakonom je bilo definirano izuzimanje od primjene odredbi ovog Zakona određenih vozila, te je neophodno jasno propisati i izuzimanje vozača tih vozila, kako bi se izbjegli nesporazumi u primjeni i postupanju, primjećeni usljed ove nedorečenosti zakona.

Informiramo Vas da smo također proveli proceduru traženja mišljenja i od članova Udruženja prijevoznika u međunarodnom i međuentitetskom cestovnom prijevozu putnika Vanjskotrgovinske komore Bosne i Hercegovine. Osnovom dobijenog, mišljenja smo da je u dostavljenom Nacrtu zakona o izmjenama i dopunama Zakona, potrebno izvršiti izmjenu na sljedeći način:





Član 10. stav (2) Nacrta zakona o izmjenama i dopunama Zakona potrebno je brisati.

Образложење:

Članom 36. stavom (1) u tačkama r),s) i t) Zakona, navedeno je suštinski već definirano.

Očekujući puno razumjevanje i uvažavanje mišljenja Vanjskotrgovinske komore Bosne i Hercegovine, unaprijed Vam zahvaljujem i srdačno Vas pozdravljam.

PREDSJEDNIK

Dr. sc. Mjekostav Vuković



Dostavljeno:

- Naslovu,
- a/a.

